

張氏族譜  
卷壹



民國十六年重刊

即墨張氏族譜

高密通德堂印刷局印



族譜引

族譜者譜張氏之族也張氏之族何為乎譜久而本  
支莫辨故譜之也譜之所以別之也別之而統系不  
紊雖相傳而百千萬世溯厥原委猶之乎一世也然  
則何不譜之於前而譜之於今日乎曰前乎此未有  
明其義者也即後乎此尚未有任其責者也粵稽吾  
族之來當大明洪武定鼎易民而治吾族 六公方  
自乾溜河而遷於墨邑編氓王魯擇地柳溝居邑之

北約四十里許此其始也然所業者農事耳衍三四世而子孫漸繁資產頗盛名望聲譽表表於人耳目間獨未有以文章名世者迨六七傳而孫瑩東始知讀書弱冠入黌乃崇禎己巳歲也至乙亥又博廩既而入國學雖未能報提兩闈然無人導之於前啟之於後而忽以青衿特著亦若無愧於祖宗而大有造於子孫也矧自今而族中有惠吉元吉相繼游泮惠吉亦已廩食矣此其嗣出者固未可量果誰為之相


迪乎且有質秀而文者童子六七人亦可冀有成然  
不敢必耳中道而畫者世豈乏人此吾之所以懼也  
亦吾之所以懼而譜吾族譜吾族者不第譜其世系  
亦譜其賢否譜其賢為吾家子孫法譜其否為吾家  
子孫戒也法其賢庶幾益賢戒其否庶幾去否即有  
始賢而終否始否而終賢者獨不惕然於斯乎乃間  
有詳畧亦遠近之殊可據不可據之別非因親疏而  
異之也後有繼其責者嗣其志而遠之使吾族不泯

於人世間相延而至於無窮則吾之譜族於今日者  
其義亦可明矣其心亦良苦矣是為引

昔

大清順治十二年歲次戊寅丙戌朔越二十日丁亥

孫瑩東沐手書



重修族譜小引


吾邑名族不乏而靈長繁庶吾家亦與並稱蓋自  
我

始祖六公遷於墨邑子孫繩繩三百餘年如一日焉  
第氣息相通雖本一祖而世代漸隔不無等殺我  
六祖啟明纂修此譜使賢者得以申其重本追遠  
之誠而不賢者亦興其亢祖耀宗之想厥功偉矣  
予於戊子孟夏復取而修之支分派衍愈為章明

至於崇功著德不無損益其間則尤望於後之敦  
篤厥宗者矣

昔

康熙四十七年歲次戊子四月一日孫文徵薰沐撰





重訂族譜序

族譜不可無序序者何序其所自始也吾祖之自始  
已無容序矣自 啟明祖入黟加意族譜分別支派  
令先世苗裔燦如日星若 啟明祖大有造先祖後  
人矣余閱族譜引有曰後有繼其責者嗣吾志而遠  
之使吾族不泯於人世間則吾之譜族於今日者其  
意亦可明矣其心亦良苦矣言念及此誠不禁三復  
流涕噫嘻後之視今亦猶今之視昔故承 啟明之

志分支別派各叙其源流男婚女嫁皆譜其姓氏且  
其人之賢否凡能記憶者無不譜之各如生使後之  
子孫得覩於斯恍然如先人之在前宛然如祖宗之  
對語即千百年之後雖不可必先人而見我無不可  
必我而見先人也噫嘻壽希百年心存萬世責承瑩  
祖誰其我與云是為序

音

雍正十一年歲次癸丑三月初十日辛卯柎沐手書

重修族譜小跋

吾家族譜有 啟明祖著之於前 萬伯祖訂之於  
後支派分明似亦無容擬議矣第自戊子以迄甲子  
三十餘年之中不無損益我輝林叔慨然以重訂族  
譜自任而又中年不祿儻不及今較正祇恐歷年既  
久支派莫稽則大拂著者訂者之苦心是以 不揣  
非分加意重訂庶世世相承有所考徵而知本源也

音

乾隆九年歲次甲子季春三十日戊戌孫 銡薰沐撰



重修譜序

吾族之適柳溝也自

始祖六公以及吾身十有二

世矣始遷所由來暨所隸籍貫當吾

曾祖入黷食

廩之後已詳載族譜引中亦無煩再叙矣迨乾隆甲

子春我鎬姪復修族譜世次愈詳本支益清而隱惡

揚善固未始非存忠厚敦孝思之微意然於吾 曾

祖欲垂法戒之旨未深彰明而究無妨也聞之禮祭

統曰為先祖者莫不有美焉莫不有惡焉銘之意稱


美而不稱惡此孝子孝孫之心也惟賢者能之吾族  
有譜亦如鼎之有銘欲以顯揚其先祖之美而明著  
之於後世者也吾之叙譜前已譜明者固不敢贊一  
詞後來入譜者亦不得過其實孰昭孰穆位次不紊  
若父若子世序相接欲得本支百世之義亦取氣脈  
相通之理使後之覩斯譜者可以一覽而得其支派  
之詳若自今而後相遞以至百千萬世皆嗣吾 曾  
祖之志而永傳勿替則吾族不至泯沒於人世而吾


繼叙之意亦可以稍慰矣是為序

音

乾隆三十二年歲次丁亥越十八日戊申

十二世孫棣沐手撰





Faint vertical text columns, likely bleed-through from the reverse side of the page. The characters are mostly illegible due to fading.




# 重修族譜序

族有譜欲族人知身之所自出並知父祖之所自出也  
也由父祖而上之幾世幾年世系可考焉我父守先  
待後凡有關於家乘者靡不續述而於族譜尤兢兢  
焉但今生齒日繁室廬各異散處四方者有之生平  
未面者有之今遵我父成例分編而重修之以垂永  
久譜既成世系明矣世世子孫展讀之餘可以動水  
源木本之思矣

音


乾隆五十七年歲次壬子季春十四世孫履斯敬書



重修族譜小引

族有譜如水有源木有本也水流千里不失其源人  
綿百世必本諸族譜者所以承先以啟後也吾家族  
譜自 啟明祖纂修伊始分支分派亦已詳明以後  
文徵祖柎祖棣祖暨 我 高祖金相曾祖禮齋相繼  
重叙愈為彰明自 我 曾祖重叙以後迨至於今八十  
餘年未加修明支派幾將莫考幸先人遺跡尚存加  
意細查尚猶可據倘不及今修明祇恐日久年深支

派莫稽大拂先祖纂修之心矣是以與族弟明珩謀諸族人畧為重叙以垂後世



昔

同治十二年歲次癸酉仲春十七世孫明遠敬書

*[Faint bleed-through text from the reverse side of the page, including characters like '同治十二年' and '敬書']*

重修族譜序

蓋聞木有本而水有源人之有祖亦猶是也吾祖遷居墨邑以

來族數尚微支派未分歟後子孫蕃衍而世系之不棄者瑩東

祖之功也自是文徵祖柝祖從而叙之源委益彰昭穆愈明是


其所示於奕禩者歟功偉矣雖然終屬手錄未施棗梨恐日久年

湮而支派莫辨此吾之所不能忘情者也惟是與族弟彤雲孫明

遠明珩等議論纂修庶幾箕裘不墜也皆曰善善於是按戶察訪

精心研究名字之未載者從而續之配氏之未錄者從而註之草

創既就故付之梓人刻刷成牒後人披覽之餘盡知孰為昭孰為穆與親之所自出身之所從來矣是為序



皆

光緒十八年歲次壬辰乙巳月十四世孫仕元敬書

*[Faint bleed-through text from the reverse side of the page, including characters like '光緒十八年' and '仕元敬書']*

重修族譜

譜之所關者甚重宗族敦睦恒於斯尊卑長幼恒於斯詩書衣冠  
恒於斯非徒明支派紀世次已也吾家族人嘗謂莫為之前雖美  
弗彰莫為之後雖盛弗傳自九世祖啟明公以鄉進士出身考授  
北直州判及後之入邑庠者十數餘人並恩榮選舉捐納頂戴榮  
身共計四五十人載諸譜牒以儆勵後世之子孫也已

昔

光緒十八年歲次壬辰十四世孫彤雲謹錄



Faint vertical text columns, likely bleed-through from the reverse side of the page. The text is illegible due to fading.



刊修族譜序

蓋聞族之有譜自天子達於庶人所以示反古復始  
不忘其所由生也此豈可略而弗詳與吾族自乾湟  
河來墨邑始居柳溝以後散處不一有居流河莊者  
有居王圈島裏者俱係同族先祖雖有手錄但其間  
有存有不存恐日久年遠漸失其傳今有余仕元祖  
恭祖元景祖暨明遠伯明珩叔整三兄念生齒日繁  
瓜瓞增盛草創不可以終存成牒乃可為永久遂謀

諸族人出資重修蓋欲聯伯父伯兄於一帙萃仲叔  
季弟於同堂使一本九族若網在綱有條不紊此  
亦美事族人共願故命梓人施諸棗梨而刊印焉斯  
乃有功於先人垂成於後世者也至於世守勿替尤  
所望於後人云

皆

光緒十八年歲次壬辰乙巳月十八世孫吉麟謹識

九次重修族譜序

吾張氏於明洪武年間自青州府樂安縣乾淄河遷居墨邑相宅柳溝其時吾始祖六公僅一家數口無所謂譜也至八九傳子孫漸繁家業漸盛吾東祖誠恐歷年既久族譜不修支派不復可考如報本反始之心尊祖敬宗之義何因於清順治十二年有創修族譜之舉此吾族族譜之所由始也康熙四十七年文徵祖重修之雍正十一年柟祖重修

之乾隆九年 鑰祖重修之三十二年 棟祖重修

之五十七年 履斯祖重修之同治十二年 光緒十

八年之次重修則吾 太高祖仕元彤雲率吾 明

遠祖與余 祖父也溯厥吾 始祖之由來業六百

年炊煙數百食指巨萬所以次第井井者幸作述不

乏其人也厥功偉矣今次重修係第九次距前次已

三十餘年矣 余 祖父於民國八年無祿 余 伯父

與吾 族祖明善 族伯恒吉華吉 族兄德馨德

峻等謀成其事協議既決命崇敘之崇時年弱冠固

知不易勝任然既承伯父尊命復受族人雅囑不

得不勉為其難瑩東祖之言曰吾之所以譜吾族

者不第譜其世系並譜其賢否賢固可為子孫法不

賢亦可為子孫戒嗚呼瑩東祖之用心亦良苦矣

希望於後人者亦良殷矣嗣後累經重修續承不替

崇生也晚雖不能丕振箕裘不敢置若罔聞今考

族譜中所載或以仕進顯或以著述名或以功褒或

以富稱以及樂善好施公德公益種種美舉前已譜  
明者固不敢贊一詞即後之入譜者亦使之名實相  
符繼志述事安敢以之自矜亦惟勉竭熱誠冀稍慰  
瑩東祖之苦心於九原也而崇之注意於茲譜者  
又有二焉一孝子悌弟一烈女節婦此二者類皆為  
人人所嘉許亦家之粹也使徒憑諸傳說而不有以  
紀之恐日久年遠其不至湮沒不彰者幾希茲並譜  
其事跡詳述無隱後之覽者尚其岷然興起也夫是


為序


時

民國十六年歲次丁卯九月二十三日

十九世孫

義崇敬譔







第九次纂修族譜序

余族自青州樂安淄河擇居墨邑隸籍柳溝迄今三朝五百餘年生齒蕃衍散處各地若無以維持恐日久年遠親者失其為親故者失其為故將報本追遠之典不幾墜緒哉余先祖慮及於此纂修族譜以統緒之雖天各一方即千萬年後若網在綱有條而不紊也噫余先祖為先人計為後人慮用心亦良苦矣為功亦甚偉矣後之人無以繼之安能歷久弗替乎惟

後人世世相承方克綿綿不絕也且人生族中光前  
裕後理當然也分應爾也苟能上為先祖宣功德下  
為後人立標準作中流之砥柱繼往開來先祖借以  
揚休後人依以為法不但在己不留虛生之名且在

先祖後人均沾不棄之實盡所當盡俛仰無虧一舉數

得猗歟休哉

余

雖未之逮也而有志焉幸此次修譜

余族孫

義崇

纂修譜序就正於

余余

細閱之前幅敘


事語意從容筆氣亦安閒中幅闡明先祖修譜之意

語意切實筆氣極嚴肅末幅以繼述自任雖言勉慰  
先祖確暗寓佑啟後人語意悽愴筆氣深婉委前不  
突後不竭體用兼備情理交盡有書有筆實獲我心  
若知余有懷未吐而先吐之以代余勞以慰余心者  
也魯論曰後生可畏雅詩云小子有造是言豈欺我  
哉余再為序不但蹈故轍步後塵而且畫蛇添足頭  
上按頭也於是將家祠堂號永思二字擬就數聯附  
之於譜令後人覽之知余亦忝生族中也於此而已

告

民國十六年歲次丁卯孟冬月十七世孫明善七十

三歲謹撰



族譜凡例

一義子不許入譜不得亂吾宗焉

一譜中專以宗支載首世為次列不序其年

一吾族十三世以前名無定式今自十四世至三十

三世先定二十字開列於後每世必取一字取名

必考於譜庶不犯祖宗諱亦不犯同世名三十三

世後按次再定

一名已列譜中自當終身不改倘任意更易日後查



名不對必致混淆慎之慎之

一所配某氏已娶者入譜而未娶者不載以未成婦也且後或有變易恐多錯誤

一元配繼配悉列譜中側室有子入譜無子不載

一出嗣者一名兩見生父名下註出嗣繼父名下註嗣子示不忘本也

命名定式

十四世

履

十九世

義

十五世

曰

二十世

方

十六世

光

二十一世

允

十七世

明

二十二世

萬

十八世

吉

二十三世

全



二十四世

宗

二十五世

之

二十六世

成

二十七世

正

二十八世

士

二十九世

沛

三十世

德

三十一世


復

三十二世

中

三十三世

天





乾隆三十一年正月十六日合人丁會

東流河莊

永思堂

會中人

朗


茗

蘭

芝

華

仁祖派下



世德

世榮

世楷


世進

世祥

世敬

乾隆四十四年買蘇乾南北地一段中分八分建立

祠堂



祠堂坐落

圍牆四至

東

牆外地三尺至

蘭南至灣  
華北牆外地三尺

至李其棟

地段坐落

東窑上地東西地一段中畝一畝四分


東至磨牛頭  
西至溝底

南至張曰祥  
北至張明桂

嶺北頭南北地一段中畝二畝

東至張  
西至辛

南至道  
北至磨牛頭



傅家瑩南北地一段中畝一畝三分五厘

東至王盛昌  
西至王照  
南至道  
北至道

黃泥灣東西地一段中畝一畝三分五厘


東至草杆  
西至對節  
南至張光冬  
北至張明述

西南上地東西地一段中分八分

東至磨牛頭  
西至道  
南至予  
北至業主

八美地南北地一段中畝一畝六分五厘

東至高  
西至廟地  
南至溝底  
北至頂節



毗槽灣南北地一段中畝一畝八分

東至陳光遜  
西至張光遜  
南至頂節  
北至道

解家塋東西地一段中畝一畝


東至磨牛頭  
西至道  
南至張  
北至于

八美地南北地一段中畝一畝一分五厘

東至張明池  
西至高  
南至道心  
北至溝底

西南上東西地一段中分五分

東至磨牛頭  
西至道  
南至于京密  
北至李



得家類編卷之四

西康山系山以

黃元智


六

西

報

八

以



絕產入支祠昭遠堂規則記

余族曾祖光玟乃嗣俊祖之曾孫仕元祖之孫曰洪  
祖之子光功祖之弟也功祖以青年告終玟祖年已  
四旬餘又無子以承兄祧因此次重修族譜族人咸  
集家祠續名俱子孫相承不息余玟祖觸目動心乃  
向族人宣言曰余無嗣命也於心所不忍者余先祖  
與余胞兄千百年後無人奉祀耳願交洎地二畝於  
支祠昭遠堂為祭田現今余經理奉祀余百年後煩

昭遠堂經理為余先人奉祀並定規則四條未知可

否時在家祠族人有助祖從兄光球堂兄光彩光珍

光太又有族兄光迪族侄明善明霞族孫華吉等俱

贊成曰善崇亦侍坐命崇作文以記之崇時年方弱

冠懼不勝任然伏思余玟祖此舉不但在己克盡追

遠報本之誠即在四輩先人之祀典尤能千秋不息

一舉兩得崇亦仰體故勉從尊囑略述原委附印譜

端令後人覽之知絕產之所由入並知余玟祖之誠




心孝弟云爾是為記

時

民國十六年孟冬月

十九世孫義崇謹識





茲將規則開列於左

(一) 此產專為余四輩先人之祭掃計他人不得攙入

(一) 此地現今余經理奉祀四輩先人余百年後煩昭

遠堂代余奉祀先人

(一) 此地既入昭遠堂他人不得侵佔即余亦不得變

賣

(一) 余家有香几方棹各一張是余祀先人祭器余百


年後移昭遠堂仍為余先人祭器

地段坐落

園子門北南北地二段中畝二畝正

東至明善  
西至明倫

南至皆小道  
北至皆對截



永昌厥後全憑祖澤優而渥

思光於前惟冀孫謀孝且賢

永遠木本永遠水源永遠箕裘貽昭穆

思念宗功思念祖德思念俎豆報馨香

永服先疇永食雋德子子孫孫誰非永沾前人澤

思修祖廟思陳宗器悃悃款款自是思盡後代心

永居墨邑迄今三朝計歲五百餘歲矣左昭右穆瓜

瓞綿綿皆一本思徒柳溝肇始六公考世二十多世

